

DEN AMBIENTE

POETS

"LATIN FOUR BACK IN TOWN AWOR DEN PLAYA LINDA" Muy pronto cu un C.D.

E popular grupo di hotel, "Latin Four" ta "back in town". E tremendo grupo local aki cu antes tabata cosecha hopi exitonan den Manchebo Beach Hotel, recientemente a haci nan

"comeback" den e prestigioso Playa Linda Beach Resort. "Latin Four" ta consisti di musiconan manera; Jeff Franken (pianista, synthesizer, arreglista, compositor y director), Pedro van

Hijnege (drummer), Ronny Franken (conga), Freddy Maduro (bajista).

E grupo aki a sabi di lansa varios hitnan den pasado cu tabata hopi gusta den pueblo,

e.o. Tabla di strika canta pa Pedro, "E Mango" y e road-march "Push and Jam" ambos canta pa Jeff. E piesa "E Mango" den aña '85 tabata

un exito rotundo, caminda practicamente tur dia e tabata solicita riba radio-emisoranan y den paradanan di carnaval e tabata zona constantemente.

Nan presentacionnan na Manchebo tabata hopi bon comenta, entre e bishitante nan tanto local y turista. Na aña '89 pa motibonan di salud y riba recomendacion di dokter Jeff Franken mester a stop di actua anochi, y a retira for di farandula. Ronny Franken tambe a sali for di e grupo, y e grupo a keda lora te na aña '90.

Awor cu Jeff a recupera su salud y a haya orden di su medico, e la bolbe forma e grupo pa entretene e guestnan di Playa Linda. Tur dia excepcion di diamars nan ta

den e lobby bar entre 7or y 11or di anochi, y tur Diabierna nan ta deleita e bishitante nan riba pool den un tremendo ambiente di "happy hour".

DEN AMBIENTE por a compronde for di nan direc-

tor musical, Jeff Franken cu ya caba tur nan ocho piesanan nobo ta cla pa bay graba den Aruba Recording Studio. E grabacion aki lo

bay ta riba un compact disk, cual lo mester ta riba mercado local den luna di April proximo.

Tur e ocho piesanan aki ta piesanan criollo, compone y aregla pa su mes un persona. Den e ocho piesanan aki e tin hopi sigur di su mes cu e piesanan "Kishi Kishi", "Grawata i Holé" y "Barco di Redo" lo bay ta e hitnan. E ta spera cu e C.D. aki lo bay ta na agrado di un y tur. Tambe e ta invita tur su fanaticonan pa bin pasa un rato alegre manera semper den e lobby bar di e prestigioso Playa Linda Beach Resort. DEN AMBIENTE ta desea e cuatro latinonan aki hopi exito na Playa Linda, y cu muy pronto nos por drenta e "BARCO DI REDO" y cuminsa "KISHIKI, GRAWATA y HOLÉ", pero corda bon si cu e mester "HOLÉ DUSHI SI".

Latin Four den Aruba Recording Studio, grabando hunto cu e vocalistanan contrata di Grupo Crystal Tamara y Adeline.



LADY K.INKY MUY PRONTO CU SU PROMER C.D.



Actualmente e popularisima cantante Lady K. Inky ta trahando duro den Aruba Recording Studio pa realisa su prome compact disc. Muy pronto por bay tende un di su piesa promocional pa temporada di carnaval "Soca Party" riba nos radio-emisoranan. E ta grabando hunto cu e banda hoben nobis "ECLIPSE". Tur anochi Inky ta deleita e bishitante nan den Yardin Brasilien cu su voz magnifico, hunto cu e grupo Marakatu na Americana Hotel. Pues keda pendiente pa e CD y mientrastanto nos por goza di su SOCA PARTI DEN AMBIENTE DI CARNAVAL.

